



Christian Monn-Scherr

06.11.1924 - 23.05.2008

Il Christian ei naschius a Sedrun ils 6 da november 1924. Ensemen cun ses fargliuns ha el passentau sia affonza e giuventetgna en casa gronda. El ha frequentau las scolas a Sedrun e silsuenter absolviu igl emprendissadi dad installatur a Mustér. El era ina passiunau musicant. Biars onns eis el staus commember dalla musica da Sedrun. Igl onn 1954 ha el maridau la giuvna Inge Scherr da Vienna ed els ein secasai a Bioggio, nua ch'ils treis affona Pio, Christina e Fausto han embelliu lur lètg.

Entgins onns pli tard ha el fundau a Bioggio la firma Demo ensemen cun in partenari. Malgrad tutta lavur e domicil el Tessin, era el fetg enregischaus cun siu vitg patern Sedrun. Biars onns ha el visitau regularmein sia mumma e sias soras ed aschia era adina puspei gudiu l'aria muntagnarda. Suenter la mort da sia carezada mumma, ha el surpriu la habitaziun en casa gronda, en quala el haveva giu duront biars onns investau temps e lavur en il manteniment.

Quels che han enconuschiu il Christian san ch'el ha era suenter sia pensiun adina anflau in'occupaziun, seigi ei el grond iert el Tessin ni en casa paterna a Sedrun. Ruassar era per el plitost in stuer. Ils davos onns ha el giu da sbatter pli e pli cun la sanadad.

Avon circa miez onn ha lu ina maligna malsogna spossau sias forzas e sia veglia da viver. Bein sepreparaus per la patria celestiala ha el bandunau nus la sera dils 23.05.08. Car Christian, nus engraziein a Ti da cor per tia carezia e per tut il bien che Ti has fatg per nus.

Ruaussa en pasch,

Tia famiglia a Bioggio e Tias soras